



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 17. Gen. 3. De extremi Judicij signis remotis.

[urn:nbn:de:hbz:466:1-60232](#)

MEDITATIO XVII.

G. III.

De extremi Judicii signis remotis.

CONG. Quomodo Rex verè clemens, sæpius suos moneat de futuro Judicio, ut mitius judicentur.

PRÆL. I. Ob oculos ponere vallem Josaphat, ubi tempore nobis non noto, Judicium publicum fiet.

PRÆL. II. Petere gratiam, ut præviis signis futuri Judicii moveamur ad peccata vitanda.

PUNCTUM I. VISUS. Oculis nostris repræsentemus bella, pestilentiam, famem & terræmotus, quibus homines passim in variis Orbis partibus affliguntur.

INTEL. Perpendamus, quod Christus de illis signis dixerit Matth. 24. *Hæc autem omnia initia sunt dolorum.* REFL. Cogitemus, an hæc aspexerimus, tamquam initia dolorum.

VOL. Deploremus cœcitatem nostram: & deinceps illa intueamur tamquam præmonitiones & signa futuri Judicii.

PUNCTUM II. AUDITUS. Audiamus suspiria, gemitus, & ejulatus hominum fame, peste, bello, & terræmotibus oppressorum.

INTEL. Ratiocinemur, quamvis *hæc initia sint dolorum*, quomodo tamen homines, non loquuntur

tur de irâ venturâ ; sed de rebus vanis , & peritūris. REFL. Consideremus sermones nostros , an etiam vani non sint.

VOL. Dicamus ad Deum , qui nos creavit ad finem tam sublimem. *Narraverunt mihi iniqui fabulationes, sed non ut lex tua.* Ps. 118. & statuimus terrere per hæc signa futuri Judicii , primùm nos ipsos ; ac deinde etiam alios peccatores.

PUNCTUM III. Gustus. Gistemus lacrymas , & interiorem hominum sensum & afflictionem cordis , inter tot adversa , quæ monent nos , quod omnia initia sint dolorum.

INTEL. Applicemus illa verba Christi. Matth. 24. *Sicut autem in diebus Noë, ita erit adventus filii hominis. Sicut enim erant in diebus ante diluvium, comedentes, & bibentes. &c.* Nam etiam nunc inter tot amaritudines , student homines gustui in cibo , & potu. REFL. Respiciamus nos , an non simus similes illis , qui fuerunt ante diluvium.

VOL. Nos potius servemus regulas *de victu temperando*, imò ut satisfaciamus pro peccatis nostris , servemus addit. 10. Hebd. 1, *depœnitentia in victu.*

PUNCTUM IV. ODORATUS. Percipiamus quodammodo fœtorem , qui ex multitudine peccatorum oritur ante Deum.

INTEL. Ratiocinemur , quod sicut antè diluvium , *omnis quippe caro corruperat viam suam.* Gen. 6. ex hac corruptione oriatur putredo ante Deum.

Deum. REFL. Circumspiciamus nos, an etiam vias nostras, per quas ad finem tendere debeamus, non corruperimus.

VOL. Excitemus dolorem & contritionem de peccatis nostris, & eam offeramus Deo in odorem suavitatis. Exod. 29.

PUNCTUM V. Tactus. Tangamus quodammodo vulnera, & mala, quæ oriuntur ex terræmotu, peste, fame, & bello.

INTEL. Iterum sicut ante diluvium, erant nubentes, & nupti tradentes, usque ad eum diem, quo introivit Noë in arcam, & non cognoverunt donec venit diluvium, & tulit omnes. Matth. 24. Ita perpendamus nunc quoque fieri. REFL. Videamus an non simus ex illis. Qui cum versemur inter tot mala, quibus tanguntur homines, studemus tamen sensu tactus, nihil de tot malis, & de majoribus secuturis cogitantes.

VOL. Agnoscamus nos meritò tot malis moneri de futurâ irâ. *Multa flagella peccatoris.* Psal. 31. Sed nos memores Judicii futuri, mortificemus sensum tactus juxta Addit. 10. hebd. 1.

COLLOQ. Ad Christum Crucifixum, petendo gratiam, ut tot flagella generis humani, pro sint mihi ad vitanda peccata, & ad faciendos fructus dignos pœnitentiaæ. RECOL.

MEDI-